

程大昌曰吾何以知天下之然而自指其要領在此者以真爲斷也

含德之厚章第五十五

含德之厚比於赤子

御註曰孟子曰大人不失赤子之心

碧虛子陳景元曰含懷也夫至人純粹懷德深厚情復於性澹泊無欲狀貌兀然比於赤子也赤子者取其始生其色赤純和之至也

顏濱蘇轍曰老子之言道德每以嬰兒况之者皆言其體而已未及其用也今夫嬰兒泊然無欲其體之者至矣然而物

道藏輯要

道德真經

三

心集七

來而不知應故未可以言用也

臨川王安石曰赤子者天守全而陽不散故含德之厚比於赤子

陸佃曰知其雄守其雌爲天下谿爲天下谿常德不離復歸於嬰兒此卽所謂含德之厚比於赤子也

道真仁靜先生曹道冲曰含者抱也心不偷薄其德乃厚赤子謂嬰兒也天純未散外無所營積和在中復如赤子

葉夢得曰老子旣以嬰兒論道矣於此含德之厚復比之赤子嬰兒其未孩者也所保者氣而已故道似之赤子則旣孩矣而未有知也故德似之

清源子劉驥曰聖人抱道懷德深厚無思無爲寂然不動故比於赤子

程大昌曰含德者蘊其德於內而不形於外者也莊子謂絕滅聲律文采而人始含其聰明削曾史之行鉗楊墨之口而後人始含其德者蓋釋此也

毒蟲不螫猛獸不據攫鳥不搏

御註曰含德之厚者憂患不能入邪氣不能襲故物莫能傷焉莊子曰人能虛己以游世其孰能害之

碧虛子陳景元曰毒蟲者蜂蠆之類也以尾端肆毒曰螫猛獸者虎豹之類也以爪拏按曰據攫鳥者鷂鷂之類也以羽

道藏輯要

道德真經 彭鶴林集註

言 心集七 川卷二

距擊觸曰搏夫至人神矣嗒然喪偶如赤子之無心故神全而物莫能傷也

頴濱蘇轍曰道無形體物莫得而見也况可得而傷之乎人之所以至於有形者由其有心也故有心而後有形而後有敵敵立而傷之者至矣無心之人物無與敵者而曷由傷之夫赤子之所以至此者唯無心也

臨川王安石曰赤子之心非有害物也無害物則物亦莫能害

道真仁靜先生曹道冲曰稚子無心害物物亦不與爲害清源子劉驥曰憂患不能入邪氣不能襲其天守全其神無

卻物無自入焉如莊子所謂醉者之墜車雖骨節與人同而犯害與人異以其死生驚懼不入於胸中彼全於酒者猶若是而況全於天者乎

黃茂材曰今夫赤子毒蟲不螫猛獸不據攫鳥不搏者精不離而和不散爾人能養其精和之至則亦如赤子也昔有梁鴛者能養野禽獸委食於園庭之內雖虎狼鷓鴣之類無不柔馴者雌雄在前孳尾成羣異類雜居不相搏噬問其術則曰吾心無逆順鳥獸視吾猶其儕也夫心無逆順所謂含德之厚也歟

骨弱筋柔而握固未知牝牡之合而峻作精之至也

道藏輯要

道德真經
彭鶴林集註

夏

心集七
八八二

御註曰德全者形全故骨弱筋柔而握固形全者神全故未知牝牡之合而峻作精之至者可以入神莊子曰聖人貴精碧虛子陳景元曰赤子未知喜怒而拳握至堅者以其真性專一故也峻者赤子之命源也情欲未萌而陽德自動者真精之氣運行之所至也以况至人虛心無情氣運自動而諸欲莫干也上清洞真品云人之生也稟天地之氣為神為形受元一之氣為液為精天氣減耗神將散矣地氣減耗形將病矣元氣減耗命將竭矣故帝一回元之道泝流百脉上補泥丸腦實則神全神全則形全形全者百關調於內邪氣亡於外體凝為骨腸化為筋純粹不雜而長生可致矣峻作古

本作全作王弼曰作長也無物以損其身故能全長也
涑水司馬光曰皆在其自然

穎濱蘇轍曰無執而自握無欲而自作是以知其精有餘而
非心也

道真仁靜先生曹道冲曰手未能把持攫奪取掇心無所知
而手無所用故自然握固未知牝牡之合而峻作人稟五行
全氣精力氣血既盛則因牝牡發泄而嬰兒未知嗜欲無所
流散而時為跳躑伸縮頓奮之狀此謂峻作

達真子曰骨弱筋柔而握固體之自然也不為物屈矣未知
牝牡之合而峻作性之自然也不為情亂矣

道藏輯要

道德真經
彭鶴林集註

真

心集七
川上三

陳象古曰握固則無所欲得而自執也峻作則不因有為而
自動也

清源子劉驥曰德全則形全故骨弱筋柔而握固形全則精
全故未知牝牡之合而峻作無執而自握無欲而峻作以一
心定而萬物服精之至也

程大昌曰握固峻作非知而為之也真淳未散不知其然而
然

終日號而嗷不嗷和之至也

御註曰致一之謂精精則德全而神不虧冲氣以為和和則
氣全而嗷不嗷人之生也精受於天一而為智之源和得於

天五而爲信之本及其至也可以入神可以復命而失其赤子之心者精搖而不守氣暴而不純馳其形性潛之萬物豈不悲夫

碧虛子陳景元曰號啼也啼極無聲曰嘔又聲嘶也夫赤子終日嘔啼而噍不嘶散者天和之氣至全也故真人之息以踵其噍不哇而和氣全也

潁濱蘇轍曰心動則氣傷氣傷則號而嘔終日號而不嘔是以知其心不動而氣和也

臨川王安石曰終日號而聲不嘔乃和之至蓋和者主於氣也

道藏輯要

道德真經
彭鶴林集註

卷

心集七
三川三

程大昌曰是其澹和中充嘔啼所不能變也故得取以喻和也

知和曰常

御註曰純氣之守制命在內形化而性不亡

碧虛子陳景元曰夫和者大同於物故赤子以和全真至人知和之貴也故用之爲常道

潁濱蘇轍曰和者不以外傷內也復命曰常遇物而知反其本者也知和曰常得本以應萬物者也其實一道也故皆謂之常

臨川王安石曰和之爲用則常而不變

道真仁靜先生曹道沖曰和者生理之常非別有方法

陳象古曰知此和之至可以常行而不離

清源子劉驥曰知和則純粹不雜靜一不變而與天地為常
黃茂材曰號而不嘍和之至也知此則為復歸於嬰兒矣故
能長久

知常曰明

御註曰明足以見道者知性之不亡故也

臨川王安石曰不明則不足以知常

清源子劉驥曰知常則朗徹見獨無古無今而與日月參光
黃茂材曰常久也日月得天而能久照四時變化而能久成

道藏輯要

道德真經
彭鶴林集註

頁

心集七
川×

聖人久於其道而天下化成非夫明志洞達天地造化之機
安能識之

益生曰祥

御註曰祥者物之先見生物之理增之則贅禍福特未定也
碧虛子陳景元曰祥者吉凶之兆也夫其受一成形而素分
已定若無理益之必致凶祥

穎濱蘇轍曰生不可益而欲益之則非其正矣祥祇也

陸佃曰達生之情常任於自然而不益生故能出乎吉凶之
表

道真仁靜先生曹道沖曰但於身命有益者則為吉祥過此

雖外美而內不善非生之祥也

達真子曰祥者非其常也

陳象古曰保此常守此明日益日生至於盛大無凶咎也

黃茂材曰天下之人或夭於嬰孩或喪於強壯其能保百年之壽者幾何今吾益吾生而使長生不死在於天下豈不曰祥乎

心使氣曰強

御註曰體合於心心合於氣則氣和而不暴茲強也以與物敵而非自勝之道

碧虛子陳景元曰心有是非而氣無分別

道藏輯要

道德真經
彭鶴林集註

覓

心集七
川上上

穎濱蘇轍曰氣惡妄作而又以心使之則強梁甚矣

臨川王安石曰氣者當專氣致柔今反爲心之所使不能專守於內則爲暴矣此祥者非作善之祥乃災異之祥此強者非守氣之強乃勝暴之強夫言豈一端而已各有所當也
道真仁靜先生曹道冲曰心動而使氣氣作而形隨未有動作而不求強好勝者也真人心不動而氣自動亦若人之眠睡外務已息泯然無知而寐中手足閤動豈心之使而動也一寐尚然况寂然在道者也

黃茂材曰以力使氣是氣也爲暴戾之氣以心使氣是氣也爲沖和之氣沖和之氣充於一身天地不能使之天鬼神不

能使之災聲色利欲不能使之亂豈不曰強乎
物壯則老是謂不道不道早已

碧虛子陳景元曰夫物之壯也必至乎枯老心之強也必至於凶暴且道以柔弱爲用今以強壯爲心者謂之不道已止也死也言不行道者早死也已

穎濱蘇轍曰益生使氣不能聽其自然日入於剛強而老從之則失其赤子之性矣

臨川王安石曰惟道則先於天地而不爲壯長於上古而不爲老

道真仁靜先生曹道冲曰雖欲不止如何哉

道藏輯要

道德真經
彭鶴林集註

章

心集七
川子

葉夢得曰是以己之亦貴乎早也

黃茂材曰壯而老老而已在物莫不然若知道者可與天地相爲終始豈有已乎

知者不言章第五十六

知者不言言者不知塞其兌閉其門挫其銳解其紛和其光同其塵是謂立同

御註曰道無問問無應知道者默而識之無所事言齧缺問於王倪所以四問而四不知多言數窮離道遠矣

碧虛子陳景元曰莊子曰知北游於立水之上登隱斧之邱而適遭無爲謂焉知謂無爲謂曰子欲有問乎若何思何慮